



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**LIBANGA 12**

**SISWATI LULWIMI LWASEKHAYA (HL)**

**LIPHEPHA LEKUCALA (P1)**

**LWETI 2014**

**IMEMORANDAMU**

**EMAMAKI: 70**

**Leliphepha linemakhasi la-9.**

**SIGABA A: SIVISISO****Imemorandamu yekumaka sivisiso:**

- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa.
- Nangabe umhlole asebantisa emagama aletinye tilwimi letingasiso Siswati akanganakwa lawo magama, kodvwa nangabe imphendvulo ivakala ihambisana nembuto akangajeziswa. Nangabe kusetjentiswe ligama lalolunye lulwimi etheksthini kantsi liyafuneka emphendvulweni, loko kwemukelekile.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA/nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/LIPHUTSA nobe LIPHUZU/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.
- Nangabe umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe nangabe ligama lelifunekako lidvvetjelwe nobe ligcanyisiwe.
- Nangabe umbuto udzinga emaphuzu lamabili/lamatsatfu kodvwa bahlolwa banike langetulu kwaloko, akumakwe lamabili/lamatsatfu ekucala.
- Inkhulumosigodzi (lulwimisigodzi) yemukelekile.
- Imibuto lapho kunikwe timphendvulo letinyenti kutsi bahlolwa bakhetswe, akwemukelwe luhlavu loluhambisana nemphendvulo nobe nangabe abhale imphendvulo ngalokugcwele.

**UMBUTO 1****1.1 TIMPHENDVULO TETHEKSTHI A**

- 1.1.1 Inyandzaleyo/ **Nyandzaleyo.** (1)
- 1.1.2 Lithoshi labeliphetse likhanya, laliseceleni kwesidvumbu sakhe/ emalangabi/ **kukhala kwaMpopoli labehleti eceleni kwesidvumbu seyise.** (1)
- 1.1.3 Sekusele lilawana lelibucalu netindlu/ Bafana balala elawini/ Lilawana/ Batfolo umfanyana wakhe loneminyaka lemine nje kuphela, ahhola abuke sidvumbu seyise. (1)
- 1.1.4 Tavulela/ **Tafohlisa/ Takhipha** tinkhomo esibayeni kute atewuphuma kuyobuka tinkhomo takhe. (1)
- 1.1.5 AbewakaZondi. (1)
- 1.1.6 Yindzawo yasetabelweni/ emakhaya/ emaphandleni/ yindzawo lapho kuphilwa imphilo yesintfu/ yindzawo lapho tindlu tihlalelene khona/ **yimphilo yakadzeni.** (1)
- 1.1.7 C Luhlelo lwetemingcwabo. (1)

- 1.1.8 Emkhatsini walamabili/ **kulamabili**. (1)
- 1.1.9 (Imibono itawehluka kodvwa kwesekela kuhambisane nemphendvulo).  
 • Inhlavu yasesifubeni yashaya inhlitiyo yema/ Yinhlavu yekucala.  
 • Inhlavu yasenhloko yasaphata bucopho kwangasabi namphilo. (Kunye kwaloku). (2)
- 1.1.10 Bekusalungiswa netindvuna nemaphepha akandabazabantu kute kutsatfwa kwaMpopoli kube semtsetfweni/kungenteka bekanetinkinga temali yekuhamba/ **bekasalungisa emaphepha/ tincwadzi letinebufakazi bekutsi unebuhlobo naMpopoli**. (Naleminye imibono lenembako yemukelekile). (2)
- 1.1.11 Lithalente **lemculo**/Kushaya umntjingo/**lekuhlabelela**. Intfombi yakamfundisi Nxumalo beyidvonswa kuva umculo lomnandzi lodlalwa nguMpopoli ngemntjingo. (2)
- 1.1.12 **Betifuna kubulala Mvelase** ngobe atizange titsatse lutfo lwakhe netinkhomo betiphelele, tamlalela ngaphandle kuphela tambulala/kungcongcosa umuti waZondi. (2)
- 1.1.13 Akuzange kumsite ngobe nalapho abalekela khona wabuye wahlangana nato timphi wabulawa. (2)
- 1.1.14 Hulumende ubabonelela ngemali yesondlo setintsandzane/ Babekwa lapho kugcinwa khona tintsandzane/Kubakhela tindlu/ Kubayisa etikolweni tamahhala/Kubapha kudla netimphahla/ **Kubafunela beluleki babaluleke ngekwegcondvo/ Kubatfolela imindeni labangahlala kuyo/ Kubafunela batali labatabakhulisa**, njll. (Kubili kwaloku) (2)

[20]

## 1.2 TIMPHENDVULO TETHEKSTHI B

- 1.2.1 Kusemikhukhwini/ **emijondolo/ ematjotjombeni/emadlangaleni**. (1)
- 1.2.2 Emanti lahlobile/Tindlu letincane/tangasese/**Umthoyi/Gezi/ Indzawo lehlobile/Tikolo/ Imigcoma yetibi/ Imitfolamphilo/ Imigwaco** njll. (Naletinye tinsita letemukelekako). (Kunye kwaloku). (1)
- 1.2.3 Yindzawo yekufihla inhloko/Kudla/Timphahla tekugcoka/ Emanti/ **Emathende/ Bomatisi besikhashana/** njll. (Naletinye tinsita letemukelekako). (Kunye kwaloku). (1)
- 1.2.4 Kushiya emakhandlela avutsa ebusuku/Timbawula/Titofu taphalafini/ **Kuchunywa kwetintsambo tazezi letingekho emtsetfweni/ Izinyokanyoka/ Umban/ inhlupheko/**

**kungasebenti** njll. (Naletinye timbangela letemukelekako letingakabalwa lapha). (Kunye kwaloku). (1)

1.2.5 (Imibono itawehluka). Labanye batawutsi tecwayiso tiyabasita bese besekele ngalokulandzelako:

- Imikhukhu leminyeye seloku yaba khona akukaze kube netigigaba tekusha.
- Linyenti lalabahlala emikhukhwini liyawacima emakhandlela/timbawula/titofu taphalafini, njll. ngiko letimo letinjengaleti letingenhla tingenteki.

Labanye batawutsi atibasiti bese besekele ngalokulandzelako:

- Nanobe kunetecwayiso, linyenti alitilandzeli ngiko nje tigateko tekusha kwetindlu tihlala tibikwe njalo.
- Imvamisa bashiya bantfwana labancane bodvwa bese kuyasha ngobe betama kutiphekela.
- **Bantfu abalaleli uma Hulumende atsi bangakhi lapho bangakavumeleki khona**
- **Atibasiti ngobe vele abatitfoli.**
- **Kube tiyabasita ngabe banetindlu.**

(Naleminyeye imibono lenembako yemukelekile).

(2)

1.2.6 Imibono itawehluka. Sib.

- Itheksthi A ikhuluma ngekusha kwemuti waMbuteni Mvelase ungcongce kantsi netheksthi B nayo ikhuluma ngekusha kwemakhaya asemikhukhwini angcongce.
- Itheksthi A ikhuluma ngabomakhelwane labagijima batsi bayewusita bakhandza sekute lebebangalwenta, kantsi itheksthi B nayo iveta bantfu labanyenti labetama kusita kepha babukeka baphelelwa ngemandla ngobe kungekho labangalwenta.
- **Mpopoli walahlekelwa ngiko konkhe lanako etheksthini A nalapha etheksthini B**

(Nalobunye budlelwano lobemukelekako lobungakabalwa lapha). (Bubili babo).

(4)  
[10]

**SAMBA SESIGABA A: 30**

**SIGABA B: SIFINYETO****UMBUTO 2**

Sifinyeto kufanele simakwe ngalendlela lelandzelako:

**Kwabiwa kwemamaki:**

- Emamaki lasikhombisa (7) abelwe emaphuzu lasikhombisa (7), (1 limaki labelwa liphuzu ngalinye).
- Emamaki lamatsatfu (3) abelwe lulwimi.
- Samba semamaki: 10.

**Kwabiwa kwemamaki labelwe lulwimi nangabe umhlolwa asebantise emagama akhe:**

- 1–3 emaphuzu langenamaphutsa nika 1 limaki.
- 4–5 emaphuzu langenamaphutsa nika 2 emamaki.
- 6–7 emaphuzu langenamaphutsa nika 3 emamaki.

**Kwabiwa kwemamaki elulwimi nangabe umhlolwa acaphune njengobe kunjalo etheksthini:**

- 6–7 ticashunwa umhlolwa **akanganikwa** emamaki elulwimi.
- 1–5 ticashunwa umhlolwa akanikwe 1 limaki lelulwimi.

**CAPHELA:**

- **Sibalo semagama:**

- Labamakako kumele bacinisekise linani lemagama lelisetjentiswe esifinyetweni.
- Kungabokhishwa emamaki nangabe umhlolwa angakalikhombisi linani lemagama lasetjentisiwe nobe abhale linani lelingasilo lemagama lasetjentisiwe.
- Nangabe linani lemagama lingetulu kwalelo lelimisiwe, fundza ufike ekugcineni kwemusho wekugcina ngetulu kwalawo lemisiwe, uyekele incenye lesele yesifinyeto.

**UMONGO WESIFINYETO**

**EMAPHUZU LABALULEKILE LEKUMELE AVELE ESIFINYETWENI LESITINDZIMA: (Umhlolwa akavete emaphuzu lasikhombisa etintfo letenta bafundzi basemakolishi bayekele bangakacedzi kufundza).**

Bafundzi bayehluleka kumelana nemisebenti leminyenti yasekolishi. Bayehluleka kuphila imphilo yasekolishi ngalokulinganako. Kuphela kwelutsandvo labalutfolela ekolishi kubenta bayekele kufundza.

Situnge nenkhumbulo yebatali kubayekelisa sikolo. Imali labayihola ematohweni ibenta bangasafuni kuyekela imisebenti. Kungabikho kwalabalandlelela umsebenti wabo wesikolo kwenta bagcine bayekelile. Kwehluleka kwebatali kubhadala tindleko telikolishi kwenta bayekele sikolo emkhatsini bangakacedzi.

Nabangayekela letintfo letingenhla, bangafundza baze bacedze emakolishi babe

neticu bese batfola imisebenti kute bakhone kutiphilisa.

	<b>Sicashunwa</b>		<b>Emagama emhlolewa</b>
1	Kunemisebenti leminyenti lelindzeleke kutsi bafundzi bayente lokugcina kuholela umtimba ekwehlulekeni kumelana nalesimo.	1	Bafundzi bayehluleka kumelana nemisebenti leminyenti yasekolishi. <b>(Bayafeyila)</b>
2	Bafundzi abakhoni kwenetisa imikhakha yemphilo yasekolishi ngalokulinganako ngoba batikhandza basenkululekweni.	2	Bayehluleka kuphila imphilo yasekolishi ngalokulinganako. <b>(Kutijabulisa, kudzakwa, kucitsa sikhatsi lesinyenti ebunandzini)</b>
3	Bafundzi bayehluleka kumelana nebuhlungu bekuphela kwalolutsandvo.	3	Kuphela kwelutsandvo labalutfolela ekolishi kubenta bayekele kufundza.
4	Utsi umfundzi nasaphetfwe ngumvangedvwa nenkhumbulo, imphilo yasekolishi seyimshayile akhumbule emuva ekhaya.	4	Situnge nenkhumbulo yebatali kubayekelisa sikolo.
5	Bafundzi babamba ematoho emva kwemaklasi ngekufuna imali yekutijabulisa.	5	Imali labayihola ematohweni ibenta bangasafuni kuyekela imisebenti.
6	Kulandzelelwa nekuboniswa ngumtali ngetindzaba tekufundza akukho ekolishi.	6	Kungabikho kwalabalandzelela umsebenti wabo wesikolo kwenta bagcine bayekelile.
7	Kuyenteka kutfolakale simo semnotfo sigucuka ekhaya, batali behluleke kumelana netindleko telikolishi letenta kutsi agcine umfundzi ayekele kufundza sikhatsi lesimisiwe singakefiki.	7	Kwehluleka kwebatali kubhadala tindleko telikolishi kwenta bayekele sikolo emkhatsini bangakacedzi.

(Nalamanye emaphuzu lasetheksthini emukelekile).

**SAMBA SESIGABA B: 10**

**SIGABA C: LUHLELO NELULWIMI****Imemorandamu yekumaka SIGABA C.**

- *Sipelingi/ Lupelomagama:*
  - Timphendvulo letifuna ligama linye kufanele temukelwe nanobe sipelingi/ lupelomagama sinemaphutsa, ngaphandle kwekutsi liphutsa lesipelingi lintjintja inshokutsi yalelo gama.
  - Timphendvulo letifuna imisho legcwele kufanele tingemukelwa nangabe liphutsa lesipelingi lisesakhiweni selulwimi lesihlolwako.
  - Nangabe kuhlolwa sifinyeto seligama, imphendvulo kufanele ifakwe tiphumuti/ timphawu letifanele.
- Takhiwo temisho kufanele tilandzele luhlelo lolwemukelekile tibuye tibhalwe ngalokugcwele njengoba kubekwe eticondzisweni.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe KOKUBILI, luhlavu loluhambisana nemphendvulo NA/NOBE nemphendvulo lebhalwe ngalokugcwele.

**UMBUTO 3**

- 3.1 Nhlaba melaphi wetifo tonkhe!!!!!!! (1)
- 3.2 Mlamuleli wabososayensi, locedza ingculazi ingabonwa nalapho beyihleti khona/ **Ingculazi**. (1)
- 3.3 Labagulako/Labanetifo letehlukene (**ingculazi/shukela/ematsambo/ingati lengcolile/tindvuna**)/labanesikhumba lesinetinkinga. (Naleminywe imibono lenembako yemukelekile). (Kunye kwaloku). (1)
- 3.4 B Unesifo sashukela. (1)
- 3.5 Kusetjentiswa ligama '**tindvuna**' kuveta umcondvo lowehlukile **webacaphi/ bologadza/labaphetse/bulili**. Sib. Tintjontji tangena teba endlini njengobe **tindvuna** besetishayisile emsebentini. (2)
- 3.6 Lomusho uvuna umsebenti lowentiwa yinhlaba kutsi wengca lowentiwa bodokotela nabosokhemisi./Utsatsa luhlangotsi lwenhlaba/ **Uyabandlulula**. (2)
- 3.7 Inhlaba inemanyeva lacijile lahlabako lokunebudlelwano nenyalitsi lecijile lehlabako futsi/ **Inalithi iyelapha ngekujova njengaso lesihlahla** (2)

**[10]**

**UMBUTO 4**

- 4.1 Likhomba intfukutselo/ **kucasuka/ kudzineka/ kukwata/ kunyakuleka/ lulaka/ kwedzelela/ kweyisa/ kwenyanya** (nalolunye luvelomagama lolukhomba intfukutselo). (1)
- 4.2 Usuke ubindzile ungakhulumi/ungaphendvuli nawubutwa/ **kuthula dvu/ kungasho lutfo.** (1)
- 4.3 **Ngifuna nichaze yonkhe indzaba/ Indzaba.** (1)
- 4.4 **Akukho lokungasancedza ngaphandle kwendvuku.** (1)
- 4.5 A Kuncenga. (1)
- 4.6 Kwakhiwa umusho ngesifanisongco lesitsi '**unguchakijane**' kuveta inchazelo lehambelana nekuhlakanipha nebucili. Sib.  
Siphiwe wanika bufakazi lobungemanga angakacelwa nekutsi akhulume, wagcina aphunzulile ngekuba nguchakijane. (2)
- 4.7 Imibono itawehluka, ifake ekhatsi lena lelandzelako:  
Lomunye wabo uphetse sikhwama semabhuku/Kufana kwetikipa/Bancane kakhulu/Bafanele kutsi ngabe basesikolweni/**kunathishela lophetse libhuku lesikolo**, njll. (1)
- 4.8 Kusuke kunebantfu labahlobene labemelanako/labavunanako nakunalokutsite lokwentekile nobe labakwentile lokungemukeleki/ **kusuke kunebantfu bengati yinye labemelanako/ kusuke kunebantfu belusendvo lunye labemelanako.** (2)  
[10]

**UMBUTO 5**

- 5.1 Kusemqwacweni longutselawayeka. (1)
- 5.2 LaMamba eve kugubhutela **ematfunjana** kuphele nekudla esiswini. (1)
- 5.3 Cha, Khisimusi akusiso sikhatsi lesiphitsitela kakhulu/Cha, Khisimusi sikhatsi lesingaphitsiteli kakhulu/Cha, sikhatsi saKhisimusi asiphitsiteli kakhulu/Cha asiphitsiteli kakhulu sikhatsi saKhisimusi. (1)
- 5.4 Umshayeli wayo ehluleke kubamba emabhiliki. (1)
- 5.5 Kwakhiwa umusho ngesibaluli '**labashayela**' sisetjentiswe njengesabito. Sib.  
Labashayela emabhasi kumele baholelwe kakhulu. (1)
- 5.6 Kwentisa. (1)



- 5.7 Mdluli **utsi** uyabavela labantfu labakuyo futsi **akaboni** nekutsi kukhona losindzile. (2)
- 5.8 Asifundzeni kushayela kahle! (2)

**[10]**

**SAMBA SESIGABA C: 30**  
**SAMBA SAKO KONKHE: 70**